



-Pamebhamε

"Nimlɔɔ : 19 "Tiëdhe "su

-Kwε 2007

"Su -bha 'sëedhe -mü "Gwεetaawo

'wɔn -taɔng -ma 'gü 'sëedhe

-Bhawɔn 'to dhe 'ö dho -Pamebhamε -wo pö -mε -nu "piü

-Pamebhamε 'ö -kë
naɔ -ma 'gü 'sëedhe 'ka,
-a -wo pö -mε -nu "pεpε,
-dhe =ya =kpao ka -bha
-ee ? Ka nuwεε yë -bha
mü. Kö ka -kɔwɔn -yö
dhi bha 'aa -yë kë ?
Yi dheebhang -nu ka
-dho yi -bhawɔn 'to-
'sëedhe ya -a "dhiü 'ö kë
'gbaannu bha- -wɔn 'gü.
-Yö kë -sü yë -kë 'ka
-kwεε -nu -bha see- 'ö
'wo kë wo =në- -nu -bha.
"Kεε Atanna 'saa- 'gü
'wɔn =gbaan yö 'ko
"dhiü. Yö =në- -wɔn 'gü
'yö 'ka -kpan sië

-Pamebhamε "nimlɔɔ ya,
-a -bha bha. Yi 'dhang-
bho -sü -ya "dhiü =dhe
'ka yi -bhawɔn 'to. =Dhe
kwa -wo -ya 'gü do =dhe
kwa -de -wo 'ö bha kwa
-dho "slë mɔɔ- -a -bha kö
-yö 'dho "dhiü.

=Ya 'go yö -zë -a 'gü,
'ö 'wɔn -së 'bha 'dhö ka
-zo "piü kö 'ka- pö yi -
dhe -Pamebhamε "gbluu
"piü", -potaasü -yö ka -go.
-A "dhia -yö -dho 'ma yi
'gü. -A -gen -mü =dhe
-gleng 'yaa 'go 'gu do 'gü

Kwaa- =danwo pö "se 'gü -wɔn



-Kwezlaankpii

"Tan kpö -së do =në 'ö -ya
nu "Maa "se 'gü, -wa -dhe
-Kwezlaankpii. 'Ö -ya, -a
-kwε "saɔdo -naa =në 'ö
kwεε (2007). -A -ya -gen
-mü =dhe yö kë "dhü kö
kwa wɔkɔ bha -yö 'to "se
-bha. "Tan kpö bha-
-gɔmε 'kpüi- 'ö -kë
didhetëë 'ka bha, -wa
-dhe **Kla -Dro**. "Tankëme

-go -gen -së 'ka, -a
-dhiang 'yaa zë. Mε
-kaɔng -yaaga =në 'ö 'wo-
'gü. =Yaoba -nu 'waa mü
'wo- 'gü doseng, -wo
"wεε pö -mε nu 'gbε -wa
'gü. -Wa -nu -dhe 'wɔn -
së -nu -ta 'gbε. =Minisi -
blæesü, **Sialö Bani** 'ö gun
yöö nu kwaa- "pεen ya-
'ka, -wo kë -nu -dhe.
'Wɔn "gblügbü -nu =wa
kë kwaa- "Maa "se 'gü, -

-Ya -nu "piü =dhe -a -nu
'to -yö -wo kwaa- 'kɔdivua
-se ya- 'gü.
'kwa -kpan -nu -bha, -
kwaa -nu faan dɔ.

"Iti "sënnng

"Iti -dhe bha 'pödhε -mü.
"kidhung -kaɔngdo ö ga
"saɔdhu =në waa-
-Zɔwεen -dhe =zinng 'gü.
"Iti -dhe bha -waa bho 'në
'bha wo "gbluu, -a -gen

gun -dhe 'ö- -bha bha
"sënnng -yö mü. "Sënnng
bha woo- 'pɔn. "Kεε -waa
'pödhε -dee -së do dɔ 'ö
=klangkwanngdhe -së 'ö
mü.

L'orthographe DAN

Voici ce que nous pouvons utiliser pour savoir lire et écrire en langue dan.		ëë	"këë	daba	ü	'gü	intérieur
Les consonnes et les voyelles que vous ne voyez pas ici sont les mêmes qu' en français.		ën	'kën	rassasier	üü	"güü	amère
Attention:		ëën	=klëën	entourer	ün	=blün	miette
1. c, h, j, qu et x n'existent pas en dan.		εa	"kpεa	sec	üün	glüün	rouler
2. r ne se trouve jamais au début d'un mot.		εan	gean"	scorpion	ü	"gü	brûler
Voici le reste de l' alphabet :		gw	-gwë	caillou	üü	"bhüü	tarir
Lettres Exemple	Traduction	in	"bin	fleur	u	"tu	oreille
Aa	"kaa	iin	"iin	ou	uu	"tuu	sauce
An	"gan	ɿ	"wɿ	parler	-Wo 'dho -kɔ (Les tons)		
Aan	saan	u	"gbu-	fort	très haut		"dhü arbre
aɔ	kaɔ	kw	=kwaa	main gauche	haut		'kɔ maison
aɔn	'daɔn-	ng ¹	gbeng	nuît	moyen		dë père
bh	-bho	oo	-zoo	chenille	bas		=zε termite
dh	dhe	ɔ	'pɔ	credit	très bas		-dhɔ amour
ee	=wee	ɔn	"yɔn	huile	très haut + très bas		"klang- singe
ε	"pε	ɔɔn	=yɔɔn	sang	haut + très bas		'yënnng- soleil
εε	=wεε	ö	pö	dire	moyen + très bas	saa-	savon
εn	-gen	öö	töö	panier	bas + très bas		=göö- iroko
εen	=gblëen	u	"su	lune	moyen + très haut	gean"	scorpion
		un	bun	tombeau	moyen + haut		kpuu' souche
		uun	=yuun	asticot			

Kwaa- "Kɔdivuaa -sɛ 'gü -wɔn



'Wɔn 'ö -gban =klang- -nu -bha

Dhioo 'ö guvenöma 'dhö- dɔ -sü 'ka =klang- "gblügblü -nu -ta yö =nɛ : "sanni kö -wa dɔ kö =wa 'wɔn =slɔɔ 'gü =dhe =klang- -nu -wo 'wɔn 'gbe kē -sü 'ka =klang- "dhiü 'ö 'yaa -sɛ. -A -gɛn -mü =dhe mɛ 'bha -nu -wo wo -gɔ "dhe -nu -ya -zukluudhö 'waa- 'gü -piö. 'Ö mɛ 'bha -nu -wo wo -bha to =gblɛngblɛn 'ka, 'waa "wɪ- bha kö 'wo- bho.

=Ya 'go mü, -a -nu -gome dɛ -nu -waa pö- -nu -dhe -wo =sabha -gɛn -ma 'gü muu" dhe -ya kö -wo nu- 'ka =klang- "dhiü 'waa- ma. -A 'bha -nu =ya kē -a -naa telefɔnö 'wo -ya wo "tu -bha 'wo =dhië 'ka ya 'waa "wɪ- bha kö 'wo- dhuu" =klang- 'kɔɔdhö. =Ya "wɪ mɛ -nu =zinng 'gü, 'yö =ya mɛ =gban "gblüüdhe "mungbho. "Kɛɛ 'waa "wɪ- bha "sa kö

'wo- -nu "dhi ta. Kö mɛ 'bha -nu -wo pē -nu -ya sië 'banng- -nu -ta, =klang- -kɔ 'kɔ "bhanng -nu -bha. -A -kē "dhü -sü bha- 'gü, guvenöma -ya -pö =dhe =klang- "dhiü 'nē 'dhe 'ö 'wo- kun 'wɔn "vlaanvlaan -nu bha -a -nu kē -sü -bha, -wo -dho -a -mɛ kē- =klang- "dhi ü 'wii- kē, -yö -dho 'banng "iin 'kɔbhang bha- -dee -

pē kē Kö -wo -kpan 'mɛ 'ö- -bha kö mɛ -gii 'ka -pē -ya -gɔ, -wo -dho -a "piü kē-. =Ya kē "dhü kö- dhe -ya -bha kö 'kwa -dhioo dɔ kwaa- 'nē -nu -ta -sɛ -dede 'ka.



"Kpungtaadhe -wɔn

"Yi 'ö pa kwɛɛ

"Segɔ -nu 'ö 'yɛnng- ('lɛn-) -pö -zian 'ka 'wo -kē Metii "sɛ -nu 'ka, "yi 'ö pa kwɛɛ -yö mɛ -zē -dedewo -a -nu 'gü. =Ya 'go mü 'zü, pē -yö kē -see mɛ -bha 'ö -ziö 'ka mü. 'Mɛ 'wo ga "sɛ "pɛɛn kpö bha- -nu 'gü, "yi kɔɔ, -a -nu "dhi -yö -ziö mɛ kɛng =plɛ ö -kɔ do -ta. Mɛ 'dhe -nu 'ö 'wii ga, "kɛɛ 'ö pē 'dhö =see -a -nu -bha, -a -nu "dhi -mü mɛ "gblü kɛng "saɔplɛ waa- mɛ "gblü -kaɔng "saaga waa- mɛ "gblü "sɔɔdhu (785.000).

"Yi -bha pa -sü bha, -a zü -yö kē -bho "kwi -bha "su 'ö -kē zue 'ka bha- 'gü. Metii -nu kwa- dhe "zɛ. 'Mɛ 'ö "yi pa -wɔn bha- -dhiang zē bha -wa -dhe **Ève Lidovikö dö Lis**. 'Wɔn 'ö -gban mɛbhu -wɔn -bha -kɔlookota 'ö -kē ONI (ONU) 'ka bha, yö =nē- mɛ -blɛsü 'ka. -Yö dhiang bha- -zē "dh ü ɔɔtblɛ -

dhekpacyi -kaɔng do ö ga "saɔplɛ 'ka (17 ɔɔtblɛ) -kwɛ ya- 'gü Senegalö, "kɛɛ 'pö- 'kpɪi- 'ö -kē Dakaa 'ka- 'gü.

=Ya kē "dh ü kö "yi -bha pa -sü 'ö gun bha -yö -gun =dhe -gblü -dede 'dhö. -A -kwɛ -kaɔng -yaaga -naa =nɛ "yi 'yii pa "dhü do. Metii "sɛ -nu =gban -to "dhü -sü "pɛɛn do bha, "yi 'ö pa -kwɛ ya- 'ka, -yö kē mɛ 'wo -ziö mɛ kɛng -yaaga ö -kɔ "sɔɔdhu (350) -ta, -a -nu -zē. "Segɔ -nu 'ö "yi 'ö mɛ zē- 'gü "dhü bha, -a 'bha -nu =nɛ :

Niziödhia : mɛ -kaɔng "saɔdo waa- mɛ "saaga (68) -wo kē -ga. 'yö pē 'dhö =see mɛ "gblü -kaɔng "sɔɔdhu (50.000) -bha.

Gana : mɛ -kaɔng "sɔɔdhu ö ga "saɔdo (56) -wo kē -ga. 'Yö mɛ "gblü kɛng -yaaga waa- mɛ "gblü -kaɔng -yaaga ö ga =plɛ (332.000), pē 'dhö =see- -nu -bha.

Bukina Faso : mɛ -kaɔng -yiisiö ö ga "saɔdo =nē 'wo kē ga. 'Yö pē 'dhö =see mɛ "gblü -kaɔng "suesiö waa- mɛ "gblü =plɛ waa- mɛ kɛng "suesiö ö -kɔ "saɔplɛ (92.970) -bha.

Togo : mɛ -kaɔng =plɛ ö ga -yaaga -wo kē -ga (23) 'Yö pē 'dhö =see mɛ "gblü kɛng do ö -kɔ =plɛ (120.000) -bha. 'Mɛ -nu 'ö 'wo kē =dua Togo -mɛ -nu bha, -a -nu =zinng 'gü, -wo -gun mɛ "gblü -kaɔng do ö ga do waa- mɛ kɛng -yiisiö waa- mɛ -kaɔng "saaga ö ga -yaaga (11.483).

Pē -bha see- -sü bha -a zü 'ö bho kwaa- metii "sɛ -nu bha -wo kē -dɔ wo -deta 'wii kē "tabhoo -da ziaan "wɛɛ 'bha 'ka =dhe mɛ -ta 'kun -sü 'dhö..

Mɛ =slɔɔ -pē -nu -wɔn

'Wɔn -gban =lapɔsi -bha

=Lapɔsi bha, 'bha -dhe bha, 'yö 'wo- dhe 'dhetrë kē 'ü- -da 'kɔ 'ö- "dhü. 'gü kö -yö 'dho ü bha mɛ

Kwaa- "Kɔdivua -sɛ ya- 'gü, =lapɔsi -kɔ =gban -da 'kwëë- -sü, -yö kɛng do ö

-kɔ "saaga (180). "Pɛɛn -nu 'ö -kē =dhe -gblü -yö kē -da 'gü bha =lapɔsi

-kɔ -kaɔng =saɔplɛ ɔ ga
=plɛ =nɛ 'ɔ 'wo- 'gü. -A
-nu =gban "dhi -yö kɛ
-ta. "Kɛɛ -Zlaan nuwɛɛ,
=dhe 'ɔ -kɛ =dhe -gblü
=ya yɛn bha, -a -nu "dhi -
dee yöö "pu. -A -wɔn 'gü,
"kwi -bha "su 'ɔ -kɛ
ɔtɔblɛ 'ka bha =lapɔsi 'ɔ -
Buakɛɛ, "Kɔdhɔgɔ,
Fɛekesedugu waa-
Segela -wo kɛ- -nu -bha

"dhi -pu "su bha 'ɔ sü
-a -bha -dhekpacyi
"suesiö -bha 'ɔ yö 'ka -a
-kaɔng do ɔ ga do -bha, -
a 'ka. "Sanni -yö kɛ "dhü
kö -a -nu see- -dhe -nu
bha, -waa -nu -pɛ kɛ -
sɛ 'ka. =Lapɔsi -kɔ -nu
bha, -wo kɛ -nu "dhi -pu
=minisi Amɛdö Bakayoko
"yan =wɔlöö. =Minisi bha
-yö kɛ pleszidanng

Gbagbo waa- =minisi -
blɛɛsü Soro Giyɔngmü -
nu nuwɛɛ -bho "wɔ 'ɔ
'wo- wo- -bha kö
-yaflɛɛ 'gü dhe -yö -nu
-deewo kwaa- "sɛ ya- 'gü
bha- -wɔn 'gü.
=Zang "kunmadha 'ɔ
'Vavua -dhe 'dhö- kwɛɛ-,
'ɔ 'wo- -dhe "Kwɔnɔ
Zakadhiya bha 'wɔn

"pɛpɛ bha, -a "dhia -yö
kɛ -ma 'gü.
=Lapɔsi -nu 'ɔ- -nu "dhi
yöö "pu =taama bha, wo
-mü : "Maadhö,
Wodiene Buna -nu 'ka.
=Ya bo -kɛ "dhü -sü 'ka,
kö kwa -mɔɔ -bha
'kwa 'sɛɛdhe bɔ kwaa-
mɛ -nu -dhe -sɛ 'ka =taa
yö -ma =dhe -kɔ 'ɔ -
blɛɛsü 'dhö.

'Wɔn 'ɔ -gban -potaasü -wɔn -bha.

'Wɔn 'ɔ -gban -foodɔn -bha

-Foo -dɔn -mɛ -nu 'dhe
kɛ -dhe 'kpɪi- do -yö
'Biya. -Yö "kwanngdhe
'wo- -dhe -Genmɛ
bha- 'gü. -Dhe 'ɔ "dhü
bha, yö =nɛ 'ɔ -foomɛ -nu
-bha =dhɔtrɔɔ =plöö -
dhe -blɛɛsü 'ka
'Kɔdivuaa. =Ya 'go mü yö
=nɛ 'ɔ -dhe 'kpɪi- 'ka.
-Ziaanwo metii "sɛ "pɛpɛ
'ɔ 'wo 'yɛnng- -pö -zian
'ka -a 'gü, -dhe 'ɔ -
Genmɛ "dhü bha yö =nɛ

'ɔ- -naa -dhe 'kpɪi-
'ka 'zü.
"Su 'ɔ -kɛ -gblɔgɔn 'ka 'ɔ
"kwi 'dhö- -dhe 'maasɛ
-a -dhekpacyi -kaɔng =plɛ
ɔ ga -yiisiö -naa
bha, "kpungtaadhe -to
"dhü -sü =gban "pɛpɛ
-yö kɛ -a -ya -dewɔn
"dhiü -foodɔn
-mɛ -nu -bha 'ka
-Genmɛ -dhe bha- 'gü. -A -
wɔn 'gü, mɛ 'gbɛ -yö kɛ -
dho mü -foomɛ -

nu =tuaa bho- -dhe 'gü.
=Dhɔtrɔɔ =plöö -dhe
bha, -wo wo -kɔ -kpɔ
-foomɛ -nu -gɔ 'ɔ 'wo wo
"tüng -kɛ -a -nu 'gü.
"Kɛɛ -waa pö woo wo -kɔ
-ya ü -bha, ü 'wɛɛ-:
kɛng "saɔdo -nu "dhidhi
-ga -pɛ 'ka. 'Ü kɛng
"saɔdo 'bha nu =yɔɔn -ga -
pɛ 'ka. 'Ü kɛng "saaga nu
"bhluu -ga -pɛ 'ka. 'Ü
"gblüdo nu 'sɛɛdhe "kplü
'ɔ 'wo- -dhe 'tenngblɛɛ, -

a sɔnng 'ka. =Ya kɛ "dhü
kö -a =gban -da 'ko -ta
-sü -yö 'wɛɛ- "gblü
-yaaga. -Foomɛ -nu 'ɔ -kɔ
'ɔ 'kpɔ -sü 'ka -a -nu
-gɔ -dhe bha- 'gü, -wo mɛ
"gblü "sɔɔdhu waa- mɛ
kɛng =plɛ ɔ -kɔ "saɔplɛ
waa- mɛ -yaaga
(5273).
-Dhe bha -a "dhi -yö "pu -
sü 'ka mɛ =gban "pɛpɛ 'ɔ
-foodɔn 'ɔ- -nu -bha,
,-la -nu -gɔ

'Wɔn 'ɔ -gban troo -nu -bha mɛ wɔkɔ -nu 'gü

=Badhong 'kpɪi- 'ɔ yöö -zuö

=Badhong 'ɔ "dhü bha,
-kwɛ =ya ziö =plɛ 'yö -
waa -zuö kwaa- Metii "sɛ
-nu 'gü.
=Badhong bha, -a 'kpɪi-
do -yö -dho -zuö -kwɛ 'ɔ
nu- ya- 'ka metii "sɛ 'ɔ
-kɛ Gana 'ka bha- 'gü
zangvie "su 'gü.
=Badhong bha, -a -zuö
-kɔ suu 'ɔ "dhü bha, -a
suu -kaɔng =plɛ ɔ ga
"saɔdo (26) -naa =nɛ yöö
kɛ "dhü bha. "Kɔdivua -
mɛ -nu 'dho -kɔ -kaɔng
do ɔ ga "saɔpɛ (17) =nɛ
yöö kɛ bha. 'Kwa genyɛn
=kö doseng. -Yö kɛ -kɛ
"dhü Senegalö. -A dha

"yi -kwɛ -kaɔng do ɔ
ga "sɔɔdhu =nɛ 'ɔ -kwɛ
ya- 'ka (2007).
-A 'dhe 'ɔ yöö kɛ Gana
ya, -a zü -yö -dho bho-
zangvie "su -dhekpacyi -
kaɔng =plɛ 'ka 'ɔ- "dhiü
'dhö ta "su 'dhe 'ɔ yöö
yö- "piü bha, -a -bha
-dhekpacyi -kaɔng do
(10) 'ka.
=Badhong bha -waa pö
woo- -zuö, -a -zɛ
"kpüüng =nɛ 'ɔ 'wo- -kɛ
-blɛɛsü, kö "sɛgɔ -nu 'ɔ
woo- -zuö bha, -wa
-nu dɔ. -A 'dhe yöö kɛ
Gana bha, -a -zɛ
"kpüüng -yö kɛ -kɛ "Kwi

-a "su 'ɔ -kɛ ɔtɔblɛ 'ka
bha -a -bha
-dhekpacyi -kaɔng do ɔ
ga "suesiö 'ka Gana mü.
Metii "sɛ -kaɔng do ɔ ga
"saɔdo =nɛ 'ɔ -kɔ 'ɔ kɛ
-yɛ -nu -bha. =Dhe 'ɔ -kɛ
"dhü 'yö 'wo- -nu -pɛ 'gü
-yiisiö. -A kpö do "sɛgɔ
-yiisiö, kpö do "sɛgɔ
-yiisiö. -A -blɛɛsü bha
"sɛgɔ -yiisiö 'wo- 'gü wo
=nɛ : Gana, Gine, Namibi
waa- Marɔkɔ.
-A =plɛ -naa -bha =nɛ :
Niziödhia, "Kɔdivua, Mali
waa- Benen. -A kpö -
yaaga -naa : Ezitö,
Kamerunɛ, Sudan waa-

Zambie. -A kpö -yiisiö
-naa -bha -mü : Tinizi,
Senegalö, Aflikö di Sidɛ
waa- Angola 'ka.
"Kɔdivua 'ɔ dho -bha
-zuö yi -nu 'ɔ -nu 'ka, wo
=nɛ : "Kɔdovua waa-
Niziödhia. -Yö -dho kɛ
zangvie -dhekpacyi -
kaɔng =plɛ ɔ ga do 'ka
(21) 'pödhɛ 'ɔ 'wo-
Sekɔngdi -dhe Gana bha-
'gü. "Kɔdivua waa-
Benen zangvie
-dhekpacyi -kaɔng =plɛ ɔ
ga "sɔɔdhu 'ka Akra -pö
-yaan bha. "Kɔdivua
waa- Mali -yö -dho kɛ
zangvie -dhekpacyi -

kaong =ple ö ga "suesiö.
-Yö -dho kē "dhü Gana
-pö 'kpīi- 'ö -kē Akra 'ka-
'gü.

Kwa- -dhe "kwi gɔn 'ö
-kē "dhima mi 'ka 'wo-
-dhe **Ulërisië** 'ö yö =nē
kwaa- =badhong -zume

-nu -dhe "dhiü bha, -a
-gɔ kö -ya kē -sē 'ka.

"Yu -wɔn

=Ya ö dëmë -a 'gben- -kpa

-Mɔɔsiimi do bha, -wa -dhe
Zɔnnngo. -Yö -gun "kwi
gɔn do -bha pē -kpa -mē
'ka. "Këë 'yaa "kwi -wo
ma -sē "wëë 'bha wo.

-Dhëkpaɔyi do 'ka dhia"
"piü kö- =patrɔnnng yöö
'dho yē "dhiü, 'yö- pö-
-dhe: << Zɔnnngo, 'ilē 'fo
prepaare -puu lö 'sieng. >>
-Waa pö "dhü "kwi -wo 'gü
kö -wa -pö -bhö pē -kpa
'gben- -dhe.

Kö 'gben- ya, -a -bhö -wɔn
-yö -gun Zɔnnngo 'gü
-blëësü -ee ? =Dhë "kwi

gɔn bha 'ö bo ziö -sü 'ka
bhoo, 'yö- -bha 'gben- gɔn
-ziisü bha- zē. "Sanni
'yënnng- ('lën-) -yö -ya mē
-gɔ =zinng 'gü (=midi) kö
'gben- bha =ya ma -sē
-dede 'ka, "plëëplëë 'ka
=ni.

=Dhë 'ö =midi 'ö -wo, 'yö
"kwi gɔn 'ö nu pē -bhö
-dhe 'gü. 'Ö gun -blëësü
=ya nu, 'yö 'gben- bha =ya
"wɪ- -bha. "Këë -a 'dhe 'ö
ya, -Suaasuaa. =Ya gɔ "truu
-piö, 'gben- 'yaa "wɪ.
=Dhë 'kö Zɔnnngo 'ö

"kwëë -pu 'ö -da gɔ 'ka
'kuu- 'gü, kö -ya -ya
Zɔnnngo dhëa" 'kpɔ -sü
-bha: << 'U 'ë lö 'sieng-
Zɔnnngo ? ('gben- 'mē ?)
'Yö Zɔnnngo 'dhö- pö: <<
=Patrɔnnng, ziëë plepaadhe
=puu lö 'sieng- -oo ('ma pē
-kpa 'gben- -dhe).

=Dhë -a =patrɔnnng bha 'ö
-da 'kɔɔdhö, 'ö ö -kɔ -zu
'yö nu 'ö -ya 'taablë -bha
kö 'ö pē -bhö. 'Tëa- 'kpikpi
'bha -yö -gun 'taablë -ta,
=dhe 'ö pē bho- "dhiü, 'yö
-kpan 'gben- -wü -bha

kö =ya 'tëa- pa. Kö =ya
"gbla ! -yö -to "gbla -dhe
'gü 'yö Zɔnnngo 'dhö- pö-
-dhe: << =Patrɔnnng, tua" di
plepaadhe =puu lö 'sieng-
-oo ! >>-A -bha 'gü -waa pö
plepaadhe -puu lö 'sieng- kö
-wa -pö -yö 'gben- -kpa.

'Wɔn bha 'yö ma "kwi gɔn
bha- 'ka, 'yö wü -pē do
Zɔnnngo -gɔ, 'yö- -kē yē
'gü.

"Gwüng

<< =Nawaan -më =në dhebë zii 'ö 'gu sü- -gɔ.>>


Ü 'gü 'ya 'dho ga -Pamebhamë -wo pö -sü 'ka. Ü =trɔɔ -yö -dho kē-.

=Kesü Dhifngs

Pë -Wlangda -sü

-ka ka baa-. Kaa- danwopö 'sëëdhë 'gbë yöö nu.

Pë "bin 'ö ya -a - ga -së 'ka, -a do -zë 'ka -dhe -yö "sɔɔdo. -A -nu mɔɔ-



'Ka ka bo 'sëëdhë ya- -wo pö -sü 'ka, 'wɔn 'bha =ya kē ka -gɔ kö 'ka pö yi -dhe, -ka 'sëëdhë kē kö 'ka bɔ.
Yii- 'dresü -mü **08 BP 857 Abidjan 08** 'ka. Tel. **08 18 08 88 / 06 39 04 88**



-Pamebhamε

"Nimlᵘᵘ : 19

"Tiëdhe "su

-Kwε 2007

"Su –bha 'sëdhe -mü

"Gwεεtaawo
